

BOSNA I HERCEGOVINA  
FEDERACIJA BOSNE I HERCEGOVINE  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA

Broj: T04 0 KT 0058867 26  
Zenica, 18.06.2026. godine

OPĆINSKOM SUDU U ZENICI  
-Sudiji za prethodno saslušanje-  
ZENICA

Na osnovu člana 45. stav 2. tačka i), člana 241. stav 1. i člana 242. ZKP F BiH podižem

OPTUŽNICU

Protiv:

O. M., neosuđivan,

što je:

dana 07.06.2024. godine, oko 22:50 sati, u Z., upravljajući putničkim motornim vozilom marke ....., krećući se magistralnom cestom iz smjera Z. prema D., vozilom se kretao brzinom od 92,2 km/h, koja brzina je veća za 22,2 km/h od brzine određene saobraćajnim znakom od 70 km/h i nije držao vozilo što bliže desnoj ivici kolovoza i na tolikoj udaljenosti od nje da, s obzirom na brzinu kretanja vozila, uslove saobraćaja i stanje i osobine puta, ne ugrožava druge učesnike u saobraćaju i sebe ne izlaže opasnosti, ugrozio javni promet, iako je bio svjestan da svojom vožnjom može tako ugroziti javni promet da dovede u opasnost živote ljudi ili imovinu većih razmjera, ali je olako držao da do toga neće doći ili da će moći spriječiti, pa postupajući suprotno odredbama člana 44. stav 4. i 39. stav 2. Zakona o osnovama sigurnosti saobraćaja na putevima, vozeći tako u mjestu P. nije na vrijeme uočio biciklistu C. S. koji se također kretao u istom smjeru, uz desnu ivicu kolovoza gledano iz smjera Z. prema D., bez svjetloodbojnog prsluka ili odgovarajuće retroreflektujuće opreme koja obezbjeđuje adekvatnu uočljivost vozača bicikla ili bicikla i nije izvršio radnju bočnog izmicanja u lijevo, nego je desnim prednjim dijelom vozila udario zadnju stranu bicikla i tijela bicikliste C. S. koji je od udara nabačeno na desni dio prednjeg vjetrobranskog stakla i krova vozila a bicikl vozilo nastavljalo gurati u smjeru kojim se kretalo, usljed čega je kod biciklista C. S. nastupilo višestruko povređivanje: povrede glave sa oštećenjem mozga, povrede grudnog koša sa razdorom aorte i srčanom tamponadom, a sa posljedičnim krvarenjem u grudnu šupljinu i srčanu kesu i povrede trbuha-jetre od kojih povreda je C. S. preminuo na licu mjesta,

dakle, iz nehata, kao učesnik u prometu na putevima ne pridržavajući se prometnih propisa i time tako ugrozio javni promet čime je kod jedne osobe prouzrokovao smrt,

čime bi počinio krivično djelo Teška krivična djela protiv sigurnosti prometa iz člana 336. stav 4. KZ F BiH u vezi sa članom 332. stav 3. u vezi sa stavom 1. KZ F BiH.